

Politik populis ancaman tangani COVID-19



Dari Kaca Mata

Dr Tengku Hazi Amin Tengku Abdul Hamid
Pensyarah Jabatan Bioteknologi, Kulliyah Sains, Universiti Islam Antarabangsa Malaysia (UIAM)

Selepas melanda Wuhan di China, wabak COVID-19 mula menular ke Korea Selatan, Iran, beberapa negara Asia lain sebelum tiba ke Eropah dan Amerika Syarikat (AS).

Ironinya, negara maju yang lengkap dengan infrastruktur kesihatan terancang dan terkehadapan kelihatan langsung tidak dapat mengawalinya. Pada masa sama, perubahan politik sedang terjadi di hampir segenap pelusok dunia memberi kesan terhadap penularan pandemik.

Di negara ini, kemelut politik selama beberapa hari membabitkan perubahan kerajaan dilihat sedikit sebanyak menjejaskan penumpuan dalam menangani penularan COVID-19.

Jelas sekali kestabilan politik begitu berperanan dalam menghadapi krisis. Sejak Perang Dunia Kedua, proses demokrasi liberal menjadi tunjang dalam pembentukan kerajaan di sesebuah negara. Proses demokrasi ini berevolusi sedikit demi sedikit menjadi pelbagai versi menurut kesesuaian ekonomi atau budaya sesebuah negara.

Mutakhir ini, kita melihat wujudnya tren politik populis yang semakin berkembang dan mula mencorak banyak hala tuju penduduk dunia. Sebagai contoh, pemilihan Donald Trump sebagai Presiden AS, pilihan rakyat dalam referendum supaya United Kingdom (UK) menarik diri daripada Kesatuan Eropah (EU) atau Brexit, kemenangan Narendra Modi di India dan perubahan pucuk pimpinan di beberapa negara, seolah-olah memberi gambaran bahawa peranan besar politik populis dalam arus politik global.

Di samping kejayaan demokrasi

liberal, masyarakat Barat juga menikmati hasil dan limpahan daripada aktiviti penjajahan. Kesan daripada kolonisasi, mereka juga mengalami banyak peningkatan taraf hidup dan sosial.

Akibat kemunduran, peperangan atau penindasan di sebahagian negara, penduduk negara lain mula berhijrah serta membina penghidupan baharu di Britain, EU, AS, Australia dan New Zealand.

Sejak itu, masyarakat Barat mula menerima migran dan sedikit sebanyak proses asimilasi berlaku. Penduduk migran yang pada mulanya dalam kalangan pekerja buruh berkembang kepada pedagang dan intelektual lain bagi memenuhi keperluan serta kepesatan ekonomi.

Bagaimanapun, kemelesetan ekonomi yang mula melanda dekad ini mula mencabar keterbukaan dan kemajuan Barat. Migran mula dilihat sebagai ancaman ekonomi kepada penduduk natif atau etnik tempatan. Ma-

syarakat mula dilihat melalui dua golongan, iaitu 'elit' dan 'orang kebanyakan'.

Golongan elit lebih bertoleransi dan majmuk merangkumi mereka yang berjaya, terpelajar dan berkemampuan, termasuk intelektual seperti doktor, saintis, peguam serta peniaga.

Orang kebanyakan pula membentuk sebahagian besar penduduk. Mereka kurang berpendidikan, petani atau mungkin tanpa pekerjaan. Pendekatan politik populis adalah dengan memenangi sokongan orang kebanyakan dan berkempen terhadap elit yang dianggap begitu korup dan berkepentingan.

Kemunculan watak seperti Trump ialah pemadanan dengan keperluan politik populis. Tidak menghairankan dalam gerak kempen Trump, sasaran terhadap migran atau pendatang menjadi agenda utama. Trump seolah-olah bersikap antisains atau kempen berkaitan dengannya.

Trump menganggap agenda pe-

rubahan iklim sebagai konspirasi dan menipu. Ketika wabak COVID-19 mula melanda AS, Trump dilihat tidak mepedulikan amaran daripada Pengarah Institut Alergi dan Penyakit Berjangkit Nasional, Dr Anthony Fauci mengenai pandemik.

Malah Trump melakukan beberapa tindakan yang dilihat sepadan dengan agenda populis seperti mengurangkan jumlah dana kepada Pertubuhan Kesihatan Sedunia (WHO) dan memotong dana terhadap penyelidikan sains. Drama populis ditambah dengan menuduh pihak China sebagai pelopori virus COVID-19.

Kita juga melihat peranan populis merebak ke banyak negara. Di Hungary dan Poland, pengaruh populis juga mengancam hak pen- datang. Di India, Perdana Menteri, Narendra Modi memperkenalkan akta yang menekan pen- datang Muslim dalam usaha men- angani kempenya.

Bagaimanakah semua ini dapat dikaitkan dengan wabak CO-

VID-19? Kita melihat ketika wabak COVID-19 mula muncul di Wuhan, ia tidaklah begitu tersebar di kebanyakan negara di Asia. Boleh dikatakan kebanyakan negara Asia berjaya membandung penularan wabak. Setidak-tidaknya, kerajaan dan pakar secara sehaluan dapat membentuk tindakan susulan dalam menangani penularan.

Namun, apa yang kita lihat, penularan wabak adalah lebih tidak terkawal di beberapa negara di Eropah dan AS. Tanpa kita sedar, politik populis ini sedikit sebanyak mempengaruhi kekuatan kerajaan dalam menghadapi krisis pandemik.

la dilihat boleh mengancam ker- jasanya dan persefahaman di an- tara saintis dan jentera kerajaan. Walaupun, jurang kemiskinan an- tara golongan kaya dengan mis- kin dapat menyuburkan lagi po- litik populis, kita tidak pasti se- jauh mana tekanan ekonomi dar- masalah migrasi mencetuskan fe- nomena sama di negara Asia.



Dunia memerlukan kestabilan politik dalam usaha mengesok penularan COVID-19.

(Foto hiasan)

Di negara ini, kemelut politik selama beberapa hari membabitkan perubahan kerajaan dilihat sedikit sebanyak menjejaskan penumpuan dalam menangani penularan COVID-19. Jelas sekali kestabilan politik begitu berperanan dalam menghadapi krisis.

Sidang Redaksi

Pengarang Kumpulan
SAIDON IDRIS
saidon@bh.com.my

Pengarang Eksekutif Kandungan & Digital
M THILLINADAN
thilly@bh.com.my

Pengarang Eksekutif Edisi Cetak
AZHAR A SAMAH
azharas@bh.com.my

Ketua Konvergen, Komersial & Multimedia NSTP
DATUK AHMAD ZAINI KAMARUZZAMAN
madzaini@bh.com.my